


Leksyon 11


ANG DIOS NAG-PADALA SANG IYA KORDERO SA PAG-LUWAS SA IMO



Tun-i ini nahanungod sa Dios

Ang Dios nagpadala sang Iya Kordero sa pagluwas kay Isaac. Ang Dios nagpadala sang Iya Kordero sa pagluwas sa imo. Kinahanglan mo batonon ang Kordero sang Dios agud ka maluwas.

Basaha ini gikan sa Biblia.
Basaha sing mabaskog sing 5 ka beses



Si Isaac nagsiling, "Yari karon, ang kalayo kag ang gatong; apang diin bala ang kordero sa halad-nga-sinonog? Si Abraham nagsiling, "Ang Dios iya magaaman sang cordero sa halad-nga-sinonog, anak ko." Genesis 22:7, 8, Sa adlaw nga madason nakita niya si Jesus nga nagapakara sa iya, kag nagsiling, "Yari karon ang Cordero sang Dios, nga naga-kuha sang sala sang kalibutan." Juan 1:29.

Mabuhat mo bala ini?

Isulat ang mga sapat sa tagsa ka pamangkot.

1. Sin-o ang nagsiling: "Diin ang kordero?
2. Sin-o ang nagsiling: "Ang Dios magahatag sang 'kordero.'"
3. Sin-o ang nagsiling: "Ari ang Kordero sang Dios."

Mga Sabat

1. Si Isaac nagsiling: "Diin ang Kordero?"
2. Si Abraham nagsiling: "Ang Dios magahatag sang Kordero."
3. Si Juan nagsiling: "Ari ang Kordero sang Dios?"


Mga tinaga nga dapat mo mahibal-an

Ang halad sa sala nagakahulogan sang isa ka hayop ukon tawo nga nagakuha sang silot sang isa ka tawo nga nakasayop. Ang dulot nga pagasunogon amo ang dulot nga pinatay kag sinunog sa altar.

Ang altar amo ang duog sa diin ang dulot ginahalad. Madamo ang mga altar nga hinimo sa mga sinampaw-sampaw nga bato.

Ang Dios nagpadala sang Kordero sa pagluwas kay Isaac. Linyahi ang tanan nga mga tinaga halin • tubtob sa •

Isa ka adlaw ang Dios nagsiling kay Abraham: "Kuhaa ang imo anak nga si Isaac. Magkadto ka sa bukid. Idulot si Isaac sa akon."



DIOS



Si Abraham wala nakahibalo kon nga-a ginhambalan sia sang Dios sa pagbuhat sini. Wala nahibalo-i ni Abraham nga ginatiliwan sang Dios ang iya paghigugma kag luyag sang Dios tudloan si Abraham kag si Isaac. • Ang Dios magatudlo man sa aton nahanungod sa Iya dulot para sa sala. •

Si Abraham nagtaklad nga masinulob-on sa bukid. Ginahigugma ni Abraham si Isaac. Apang sundon ni Abraham ang Dios. Si Isaac nagbulig dala sang kahoy. Si Isaac namangkot; “Diin ang kordero para sa dulot nga pagasunogon? Si Abraham nagsabat, “Ang Dios magahatag sang kordero!



Si Abraham kag si Isaac naghimo sang altar. Ginbutang ni Abraham si Isaac sa altar. Si Isaac pagapatyon.

Apang ang Dios nagahigugma man kay Isaac. Indi buot sang Dios nga mapatay si Isaac. Ang Dios may iban nga halad nga pagapatyon.

Ginkuha ni Abraham ang iya kutsilyo agud patyon si Isaac. Amo man ang pagtawag sang Dios kay Abraham gikan sa langit. “Magdulog ka Abraham! Indi pagsakita ang imo anak nga lalaki! Napa-natud-an ko nga ginahigugma mo ako.

Kag ginpakita sang Dios kay Abraham ang kordero nga nagasabod sa mga balagon. Ang Dios nagpadala sang kordero sa baylo ni Isaac. Ang kordero namatay sa altar. Si Isaac hilway kag makapangabuhi.





Ang Dios nagpadala sang Iya anak sa pagluwas sa imo.
Ang tawo nga nakasala indi makakadto sa langit.
Kon sila mapatay makadto sila sa impierno-isa ka
makangilidlis nga duog. Kita tanan nakasala
kag makadto sa impierno. Apang ginhigugma kita
sang Dios kag buot Niya kita dalhon sa langit.
Ginpadala sang Dios ang Iya anak - si Jesus
nga napatay sa baylo naton katulad sang
pagpadala Niya sang kordero nga napatay sa
baylo ni Isaac. Si Jesus ang Kordero sang
Dios nga napatay sa pagkuha sang sala sang
kalibutan. Sia nabanhaw liwat. Indi mo
makita si Jesus apang yara Sia. Si Jesus
nagahigugma sa imo kag buot magbulig sa imo.

Kinahanglan batonon mo ang anak sang Dios sa pagluwas sa imo.

Indi ka na maghalad sang dulot sa altar karon.
Batonon mo lang ang Anak sang Dios bilang imo dulot.
Si Jesus mangin Manluluwas mo—ang nagluwas sa imo.
Kuhaon ni Jesus ang imo sala kag
ikaw makakadto sa langit.
Gamita ini nga pangamuyo. Pangamuyo ka sa Dios sa imo,
kaugalingon nga pulong.

Pangamuyo

Ginabaton ko na ang imo Anak nga
namatay para sa akon. Ang dulot
sa pagkuha sang akon sala.
Tungod si Jesus ang akon manluluwas ako
hilway na karon. Salamat.
Dios, sa pagluwas mo sa akon karon.



Karon sulati ang Rekord sang Estudyante sa Leksyon 11.

INTERNATIONAL CORRESPONDENCE INSTITUTE
PHIL. NATIONAL OFFICE — P.O. BOX 1084, MANILA

**ANG DIOS NAGPADALA SANG
IYA CORDERO SA PAGLUWAS
SA IMO**


KALINGAWAN PARA SA IMO

Maghimo sang kordero:

Magkuha sang algodon

Dihonon agud magkorti lawas kag ulo sang kordero.

Butangan sang apat ka lipak para sa mga tiil.



Isulat sing maathag:

Ngalan mo

Puluy-an

Petsa sa pagpadala



